

VOK NEUTRAL

Diurnal modern in Idiom Neutral

Numr 5, septembr-oktoabr 2010, redakted in Tokyo
eksemplar gratis pro desharjasion libr



Amiki de Idiom Neutral,

Numr kuint de Vok Neutral (septembr – oktobr 2010) es plu minim ka numr anterior. Movasion de I.N. es sufise febl e sitempe on no potes trovar personi, keli skriberio artikli pro ist diurnal. Tekause mi av prepared teksti nemult e istfoa numr kuint av 6 pagini.

Ekse kontenad:

- eks seri di voyaji in mund – istfoa Insuli Føroyar
- presentasion de lingu volapükatr Balta (lingu tert in seri, kel mi komensav anteriore)
- kuale sempre – kelk proverbi in Idiom Neutral

Saluti da Washirei!

<http://vokneutral.wordpress.com/>

*Avate temp agreabl ko lektasion de ist numr!
Propagasion Modern de Idiom Neutral*



Insuli Føroyar – lok sharmos intr Britania Grand e Islandia

Fotografad ansian visabl su pagin prim de ist numr de Vok Neutral present parlament (Løgting) de Insuli Føroyar in anu 1906. Keloke yasi Insuli Føroyar? Su kart geografiik on potes truvar ili norde da Skotland, intr Mar Norwegian e Osean Atlantik. Ili es teritori negrand e aparten a Dania in kualitet de region autonomiik. A fasilifikar komprendasion plu presis di lor situasion, noi potes dikar, ke ili yasi in mediad de distantitet intr Britania Grand e Islandia. Lingui parled in Insuli Føroyar es lingu Føroyskt e et lingu danik. Habitanti prim esav monaki irlandian, keli vivav su Insuli Føroyar da anu 625, ye posteriore da sekul novim habitanti leplu mult deveniav norvegiani. Histor komensik de Insuli Føroyar es presented in tale nomed “Færeyinga Saga”, in kel viking nomed Tróndur í Gøtu esav person sentral visinu Sigmundur Brestisson – person prim, kel

introdukav kristanism a Insuli Føroyar. Su piktad sekuant noi potes visar portret de Tróndur í Gøtu.



Da sekul desunim Insuli Føroyar apartenav a Norvegia e in 1387 Norvegia fasiav union ko Dania, tekause ist insuli avav et relasion ko Dania. Ma in sekul 19-im, po fini de guer intr Dania e Suedia, Norvegia debav frangar sue union ko Dania. Tetempe Insuli Føroyar restav sole parti de teritori danian. In 1948 insuli deveniav republik autonomiik apartenant a Dania, ma sitempe ili av intension resivar nedependitet. Granditet total de Insuli Føroyar es 1399 kilometri kuadratik e ili av sirka 48 mil habitanti. Person regnant es rega Margareta 2-im. Urb prinsipal es Tornhavn, kel signifk "port de Tor" (deo de tempestadi e toneri in mitologi nordik). Tornhavn av sirka 12 mil habitanti, it es urb leplu grand, situed su insul Streymoy. In fini de sekul dudesim (po 1990) kris de pisk-industri aveniav, neokupitet kreskav e homi sufise mult emigrav. Ye sitempe neokupitet minueskav denove e situasion es plu bon. Et ret de komunikasion intr insuli av kresked e istkos fasilifik voyaj su insuli.



Balta

Balta es lingu Volapükatr, proposed per sinior Emile Dormoy eks Fransi. It esav kreed in anu 1887 e presented in 1893 in libr "Le Balta, langage international conventionnel". Kual es Balta? It es plubonifikasion de Volapük ko gramatik plu simpl, ma diksionar plu "a-priori".

Alfabet konsist eks 5 vokali: **a e i o u**

e 14 konsonanti: **b d f g j k l m n p s t v y**

Kuale noi vis, it no av liter "r" seme, kuale Volapük original no avav it. Ye, it no av et tale nomed "umlauti", kekos es serte simplifikasion de alfabet Volapükik. Liter "j" es pronunsied kuale "sh" in anglik.

Omni silabi deberio esar aksentued seme, ma silab ultim potes resivar aksent nemulte plu fort.

- Balta no av artikli definied e nedefinied, seme kuale Volapük
- Substantivi sempre fini su mediu konsonant e in plural ili resiv liter "s". Ili no av deklinasion, seksu feminik es indiked mediu prefiks "ej-".
- Adyektivi sempre fini su mediu liter "a" e ili no resiv liter "s" in plural.
- Adverbi es indiked mediu liter finiik "i".
- Numerativi:

ba 1 **be** 2 **bi** 3 **bo** 4 **bu** 5
ja 6 **je** 7 **ji** 8 **jo** 9 **ju** 0

bas 10, **bes** 20, **jos** 90, **fol** 100, **mil** 1000, **mion** - milion,

numerativi ordinal resiv liter adyektivik "a":

bala - prim, **bela** - sekund, **bila** - tert

multiplikasion es demonstred mediu sufiks "ta":

belta - dupl, **bilta** -tripl.

Atension: "**Balta**" signifiek "unupl" u "simpl" e it es nom de lingu!

"dil" (seme kuale parol Volapükik "parti") es used pro numerativi de partii: **beldil** - demi, **bildil** - un triim, **bildils be** - du triimi, **boldils bi** - tri kuarimi.

● Pronomi personal:

al - mi

el - vo

il - il, ila

ol - on

ul - it

as - noi

es - voi

is - ili

al-al - mi aut

el-el - vo aut

as-as - noi aut

● Multe fasile noi potes krear adyektivi posesiv:

ala - mie

ela - votr

ila - sie

asa - nostr

esa - vostr

isa - lor

● Pronomi relativ basisik:

oka - kel (hom)

okea - kel (kos)

● Kuestion es formed mediu "li" (seme kuale in Volapük, in Balta it stand ante parol): **li-oka** - kel? (hom) **li-okea** - kekos?

● Verbi

Eksist un konyugasion simpl sekuantu manier simil a tel de Volapük, ma et ko posibilitet separar pronom da verb:

logal (al alog) - mi vis

logel (el alog) - vo vis

logil (il alog) - il vis, ila vis

Tempi:

al alog - mi vis

al elog - mi visav

al ilog - mi visero

loge - visar (infinitive)

logea - vised (partisip pasiv)

Kelk eksempli:

Al et - mi esav.

Ul nif - it nev.

El ni af buk - vo no av libr.

El li-af buk? - Eske vo av libr?

El ni li-af buk? - Eske vo no av libr?



Frasi varios in notr lingu

Kel interog, tel no er.

No ekstingua fok, kel no kombust vo.

Po tempestad mal sol leplu splendid lum.

Pisk plu grand inglot pisk minim.

No drap dekor tabl, ma kek.

Omnihom poses sapientitet propr.

Lievr dormerio trankile, if it no trepiderio venad.

On oblivi it bon, on memori it mal.

Hom rik vehikl, hom povr kurs.

In omni malitet on trov bonitet nemult.

